

D P-Faarer vo Därwil (sin Drumpf)

Mir lääse jede Moorge unser Horoskop im Bligg
Was denn, was denn
Denn dringge mir vom Mässwy, das giid is e Kigg
Was denn, was denn
Denn ligge mir in Bichtstuel, dräume vome Fi... Film
Was denn, was denn
Denn foot in Därwil d Fasnacht aa
Mir zwei föön afo dräume
Die Fasnacht dörf me nit verseume
Därwil isch Drumpf, Därwil isch Drumpf, Därwil isch Drumpf

Mir luege gärn Schaufänschter bim Migros Partner aa
Was denn, was denn
Mr träume vo de Mukis wo me döört uffbaue kaa
Was denn, was denn
Denn bsuechd dr Minu Därwil, do isch nüt bsunders dra
Was denn, was denn
Denn foot in Därwil d Fasnacht aa
Jetzt kunnt in d Bude Lääbe
Joo die Fasnacht isch e Sääge
Därwil isch Drumpf, Därwil isch Drumpf, Därwil isch Drumpf

Därwil macht die Äscher bim Jasse nass
Was denn, was denn
Denn hän mirs Gschängg mit däm Donschtigjass
Was denn, was denn
Dr Imbi sticht e Daame oder au e Ḷss
Was denn, was denn
Denn foot in Därwil d Fasnacht aa
Und mir föön afo straale
Das Glügg chame nit zaale
Därwil isch Drumpf, Därwil isch Drumpf, Därwil isch Drumpf

Unsri Värs chöme us ohni ChatGTP-Reim
Was denn, was denn
Dr Baschi lallt chum bring en heim
Was denn, was denn
Mir glaube är het drmit dr neui Bundesroot gmeint
Was denn, was denn
Denn foot in Därwil d Fasnacht aa
Und mir föön afo schwääbe
D Fasnacht muesch aifach erlääbe
Därwil isch Drumpf, Därwil isch Drumpf, Därwil isch Drumpfsch

D Credit Suisse die **¶**armi, het nümme könne zaale
Was denn, was denn
D UBS erlöst si, vo iire hölle Quale
Was denn, was denn
Denn goot si ii, wie mir zwei, in d **¶**naale
Was denn, was denn
Denn foot in Därwil d Fasnacht aa
¶u d Gugger sin am liide
Will si mien im Schatte bliibe
Därwil isch Drumpf, Därwil isch Drumpf, Därwil isch Drumpf

¶ls Sprinter über d Hürde, isch är eifach famos
Was denn, was denn
Seggle dörf dr Jason nur nid uff dr Bahnhofstroos
Was denn, was denn
Saniert isch döört nur no für Schnägge öbbis los
Was denn, was denn
Denn foot in Därwil d Fasnacht aa
Für Rue sorgt Tämpo dryssig
¶utoverbänd macht das ganz schyssig
Därwil isch Drumpf
Mr sin am Änd, mr sin am Änd
Wänn nach Rom go reise
Löön drum s Kässeli lo kreise
Därwil isch Drumpf, Därwil isch Drumpf, Därwil isch Drumpf